



**NATAL K'MANEK 2019 no
KSOLOK TINAN FOUN 2020,
ne'ebé NAKONU
HO DOMIN no PÁS!**

Povu Doben Timor-Leste!

Ha'u hakarak, uluk liu, lori VIII Governu Konstitusional nia naran, ha'u nia naran rasik no ha'u nia família nia naran, hato'o ba Povo Timor-Leste tomak, iha rai laran no mós iha rai li'ur, Natal Kmanek no Tinan Foun, nakonu ho domin no pás. Ha'u mos hakarak iha loron Natal ida ne'e, hato'o ha'u nia rekoñesimentu ba sira hotu ne'ebé, iha kalan ida ne'e duni, kumpri sira nia obrigasaun hodi kontinua servisu nafatin, liuliu iha hospital.

Hanesan Primeiru-Ministru, ha'u hakarak aproveita oportunidade ida ne'e atu tranzmite ba hotu-hotu liafuan enkorajamentu no esperansa ho hanoín ida katak loron aban sei di'ak liu loron ohin. Governu ne'ebé ha'u lidera sei halo esforsu tomak atu tinan hirak mai ne'e, bele serbi di'ak liután sidadaun sira, liuhosi programa sira ne'ebé trasa ona.

Ha'u valoriza tebetebes buat di'ak barak ne'ebé ita hotu hamutuk konkista tiha ona ba ita nia rai, liuliu iha prosesu konstrusaun Estadu nian. Maibé ha'u mos rekoñese katak iha buat barak mak ita tenki hadi'a no bele kontinua halo atu halakon ki'ak no mukit no transforma Timor-Leste nudar país ida ne'ebé justu, modernu, desenvolidu no prósperu liután.